



2021EKO MARTXOAREN 22KO EBAZPENA

Gasteiz

Gardentasunaren Foru Kontseilu honek aztertu du [REDACTED] (NANA: [REDACTED]; jakinarazpenetarako egoitza: [REDACTED]; jakinarazpenak eskueran jartzeko helbide elektronikoa: [REDACTED]) aurkeztutako erreklamazioa, informazio publikoa eskuratzeko 2020ko urriaren 19an aurkeztutako eskaera ezestearen aurkakoa.

AURREKARIAK

Lehenengoa.- Espedientean dagoen dokumentazioaren arabera, 2020ko urriaren 19an, [REDACTED] eskaera bat aurkeztu zuen Arabako Foru Aldundiko Erregistroan, Arabako Errioxako Ur Partzuergoak hasitako egokitzapen prozesuaren bideragarritasun tekniko-juridikoko alderdiei buruzko informazioa eskuratzeko. Zehatzago, lantzen ari zen dokumentu bat ikusi ahal izatea eskatu zuen, hain zuzen, garai hartan Ingurumen eta Hirigintzako zuzendaria zenak Batzar Nagusietako Ingurumen eta Hirigintza Batzordean 2019ko urtarrilaren 31n egindako agerraldian aipatua.

Bigarrena.- Ingurumen eta Hirigintza Saileko foru diputatuaren azaroaren 20ko 291/2020 Foru Aginduaren bidez, ebatzi zen eskaera hori ez onartzea, honako hau arrazoituta: «eskatutako informazioa existitzen ez bada, ez baikaude informazio publiko baten aurrean, gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legearen 13. artikuluan zehazten den bezala».

Hirugarrena.- 2020ko abenduaren 17an, Informazio Publikoaren Sarbiderako Euskal Batzordearen Erregistroan erreklamazio idazki bat sartu zen, informazio publikorako sarbidea ez onartzeagatik, eta berriz eskatzen zen Ingurumen eta Hirigintzako zuzendariak bere garaian aipatutako balorazio tekniko-juridiko eta ekonomikoari buruzko txostena eskuratzeko. Euskal Batzordeak gaiaz arduratzeko eskumenik ez zuenez, Gardentasunaren Foru Kontseiluari bidali zion eskaera, hari erantsita zihoan dokumentazio honekin batera: 1) Arabako Foru Aldundian 2020ko urriaren 19an aurkeztutako informazio publikoa eskuratzeko eskaeraren kopia; 2) Ingurumen eta Hirigintza Saileko foru diputatuaren azaroaren 20ko 291/2020 Foru Aginduaren kopia, eskaera onartu ez zuena; 3) Oiongo Udaleko idazkari-kontuhartzailearen txostenaren kopia, 2020ko urriaren 13koa.



OINARRI JURIDIKOAK

1. Erreklamatzailerak egindako eskaerari dagokionez, gaiari sakonki heldu aurretik, aztertu behar da ea eskaerak betetzen dituen erreklamazio hori aurkezteko beharrezko diren betekizunak, zeinak Gardentasunaren, herritarren parte hartzearen eta gobernu onaren otsailaren 8ko 1/2017 Foru Arauaren 35.5 artikulua araberako oinarriko legerian ezarrita baitaude, hau da, GIPEGOLen.
2. Erreklamazioa aurkezteko epeari dagokionez, GIPEGOLEk xedatzen du, 24.2 artikuluan, erreklamazioa aurkezteko epea hilabetekoa dela aurkaratutako egintza jakinarazten den egunaren biharamunetik hasita, eta, epe hori bete zuen erreklamatzailerak; izan ere, foru agindua 2020ko azaroaren 20an eman zen eta [REDACTED] idazkia 2020ko abenduaren 17an sartu zen Informazio Publikoaren Sarbiderako Euskal Batzordearen Erregistroan.
3. Erreklamazioa Informazio Publikoaren Sarbiderako Euskal Batzordeari aurkeztu bazitzaion ere, batzordeak ebazteko eskumenik ez zuela iritzi zuen, eta Arabako Foru Aldundiko Gardentasunaren Foru Kontseiluari helarazi zion.

Bat etorri 1/2017 Foru Arauaren 35.3 artikuluan eta lehenengo xedapen gehigarrian eta Foru Gobernu Kontseiluaren otsailaren 21eko 5/2017 Foru Dekretuan xedatutakoarekin, Gardentasunaren Foru Kontseiluak eskumena du foru sektore publikoko edozein erakundek hartutako ebazpenen aurka gardentasunaren arloan egiten diren erreklamazioak aztertze eta ebazteko, eta ebazpen horien artean dago [REDACTED] aurkaratutako foru agindua.

4. Behin egiaztaturik erreklamaturako erakundea Gardentasunaren 1/2017 Foru Arauaren mende dagoela, Gardentasunaren Foru Kontseiluaren eskumen subjektiboa eta erreklamatzaileraren legitimazioa, egiaztatu behar da ea baden egiaz informazio publikoaren eskaera bat; izan ere, 1/2017 Foru Arauaren eta otsailaren 21eko 5/2017 Dekretuaren araberako, kontseilu horrek ez du eskumenik bestelako auzirik aztertze.

Erreklamazioaren xedea informazio publikoa eskuratzeari buruzko esanbidezko ebazpena da, hau da, aipatutako 221/2020 Foru Agindua, zeinaren bidez ez baitzen onartu erreklamatzaileraren eskaera.

5. Otsailaren 8ko 1/2017 Foru Arauaren 18. artikulua araberako, informazio publikotzat jotzen da honako hau: «foru arau honetako 3. artikuluko subjektuek beren eginkizunetan sortu edo jaso eta euren esku dituzten edukiak eta dokumentuak, formatua edo euskarria gorabehera».



Beraz, eskabidea egiten den unean dagoeneko badagoen eta foru arauaren mende dagoen erakunde edo entitate batek eskuragarri duen informazioan oinarrituta egon behar dute informazio eskaerek, eta, gainera, informazioa erakunde edo entitate horrek haren eskumenak erabiliz egindakoa edo eskuratutakoa izan behar da .

Definizio hori ikusita, eta Ingurumen eta Hirigintza Sailak adierazi duenez ez dela egin bere garaian Ingurumen eta Hirigintzako zuzendariak aipatutako bideragarritasun tekniko-juridikoko alderdiei buruzko txostena, informazioa ez da existitzen eta, beraz, ezin da bidali.

Horregatik guztiagatik, Gardentasunaren Foru Kontseiluak, aho batez, ebazpen hau eman du:

EBAZPENA

Ezestea [REDACTED] aurkeztutako erreklamazioa, ez direlako betetzen Arabako Lurralde Historikoko gardentasunaren, herritarren parte hartzearen eta gobernu onaren otsailaren 8ko 1/2017 Foru Arauaren 18. artikuluko betekizunak.

Administrazio bidea amaitzen duen ebazpen honen aurka administrazioarekiko auzi errekurtsua aurkez daiteke Gasteizko Administrazioarekiko Auzietako Epaitegietan, bi hilabeteko epean, ebazpena jakinarazi eta hurrengo egunetik aurrera.

Lexuri Ugarte Aretxaga
Mahaiburua

Inés Vadillo Alzola
Kontseilukidea

Daniel Martínez Monge
Kontseilukide-idazkaria